

Na osnovu člana 16. i člana 17. stav 3. tačka e) Zakona o hrani ("Službeni glasnik BiH", broj 50/04) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine, u saradnji s nadležnim organima entiteta i Brčko Distrikta Bosne i Hercegovine, na 144. sjednici održanoj 24. februara 2011. godine, donijelo je

PRAVILNIK O HRANI PODVRGNUTOJ JONIZIRAJUĆEM ZRAČENJU

Član 1.

(Predmet)

- (1) Pravilnikom o hrani podvrgnutoj jonizirajućem zračenju (u daljnjem tekstu: Pravilnik) određuju se uslovi proizvodnje, prerade i distribucije hrane podvrgnute jonizirajućem zračenju (u daljnjem tekstu: hrana podvrgnuta jonizirajućem zračenju).
- (2) Ovaj pravilnik ne primjenjuje se na hranu podvrgnutu jonizirajućem zračenju koje potiče iz mjernih instrumenata ili kontrolnih uređaja pod uslovom da:
 - a) je apsorbirana doza manja ili jednaka 0,01 Gy za kontrolne uređaje u kojima se primjenjuju neutroni i 0,5 Gy u ostalim slučajevima, kod maksimalne energije zračenja od 10 MeV u slučaju rendgenskih zraka, 14 MeV u slučaju neutrona i 5 MeV u ostalim slučajevima,
 - b) je hrana podvrgnuta jonizirajućem zračenju pripremljena za pacijente koji moraju konzumirati sterilne obroke pod liječničkim nadzorom.

Član 2.

(Pojmovi)

Pojedini pojmovi koji se koriste u ovom pravilniku imaju sljedeće značenje:

- a) *prikladnost hrane* je pogodnost hrane za ljudsku konzumaciju u skladu s njenom namjenom;
- b) *izvor jonizirajućeg zračenja* je svaki uređaj, postrojenje ili tvar koja proizvodi ili emitira jonizirajuće zračenje.

Član 3.

(Stavljanje na tržište)

Hrana podvrgnuta jonizirajućem zračenju smije se stavljati na tržište ako zadovoljava sve odredbe ovog pravilnika.

Član 4.

(Uslovi za podvrgavanje hrane jonizirajućem zračenju)

- (1) Uslovi pod kojima se hrana može podvrgavati jonizirajućem zračenju navedeni su u Aneksu I. koji je sastavni dio ovog pravilnika. Hrana koja se podvrgava jonizirajućem zračenju, prije podvrgavanja jonizirajućem zračenju, mora biti prikladna za ishranu ljudi.
- (2) Podvrgavanje hrane jonizirajućem zračenju smije se provoditi samo iz izvora jonizirajućeg zračenja navedenih u Aneksu II. koji je sastavni dio ovog pravilnika te u skladu s članom 8. ovog pravilnika. Ukupna prosječna apsorbirana doza zračenja mora se izračunavati u skladu s Aneksom III. koji je sastavni dio ovog pravilnika.

Član 5.

(Maksimalno dozvoljene ukupne prosječne doze zračenja)

Hrana koja se smije podvrgavati jonizirajućem zračenju i maksimalno dozvoljene ukupne prosječne doze zračenja navedene su u Aneksu IV. koji je sastavni dio ovog pravilnika.

Član 6.

(Višekratno podvrgavanje jonizirajućem zračenju)

- (1) Za postizanje željenog djelovanja hrana se može višekratno podvrgavati jonizirajućem zračenju pod uslovom da ne smije biti pređena maksimalno dozvoljena doza zračenja, u skladu s odredbama člana 4. ovog pravilnika.
- (2) Podvrgavanje hrane jonizirajućem zračenju ne smije se primjenjivati u kombinaciji s hemijskim sredstvima kojima se postiže ista svrha kao i jonizirajućim zračenjem.

Član 7.

(Deklariranje/označavanje hrane)

- (1) Hrana koja je podvrgnuta jonizirajućem zračenju, a namijenjena je krajnjem potrošaču i/ili posluživanju u ugostiteljskim objektima, mora na deklaraciji sadržavati oznaku: "podvrgnuto jonizirajućem zračenju", na način utvrđen Pravilnikom o općem deklariranju ili označavanju upakovane hrane ("Službeni glasnik BiH", broj 87/08).
- (2) Hrana koja se stavlja na tržište u rasutom stanju (rinfuza) mora sadržavati oznaku iz stava (1) ovog člana na/uz posudu u kojoj se izlaže.
- (3) Ako se hrana podvrgnuta jonizirajućem zračenju koristi kao sastojak nekog proizvoda, oznaka iz stava (1) ovog člana mora stajati na/uz njen naziv u listi sastojaka.
- (4) Ako se hrana podvrgnuta jonizirajućem zračenju koristi kao sastojak hrane, a prodaje se u rasutom stanju (rinfuza), oznaka navedena u stavu (1) ovog člana mora stajati na/uz njegov naziv u listi sastojaka navedenih uz naziv proizvoda uz/na posudi u kojoj se izlaže na tržištu.
- (5) Sastojci podvrgnuti jonizirajućem zračenju koji se koriste kao mješavine sastojaka u hrani, moraju se deklarirati u skladu s odredbama iz stava (1) ovog člana, čak ako su u gotovom proizvodu zastupljeni s manje od 25%.
- (6) Hrana koja je podvrgnuta jonizirajućem zračenju, a nije namijenjena krajnjem potrošaču i/ili posluživanju u ugostiteljskim objektima, mora biti označena oznakom koja sadrži:
 - a) "podvrgnuto jonizirajućem zračenju" kako bi se označila hrana podvrgnuta jonizirajućem zračenju ili označeni sastojci hrane podvrgnuti jonizirajućem zračenju koje sadrži hrana koja nije obrađena jonizirajućim zračenjem;
 - b) naziv i adresu objekta u kojem je obavljeno ozračivanje ili njegov referentni broj iz člana 8. stav (1) ovog pravilnika.
- (7) Podaci o podvrgavanju hrane jonizirajućem zračenju iz čl. 5. i 6. ovog pravilnika moraju se navesti u ispravama (dokumentaciji) koje prate ili koje se odnose na hranu podvrgnutu jonizirajućem zračenju.

Član 8.

(Ovlaštenja)

- (1) Agencija za sigurnost hrane Bosne i Hercegovine (u daljnjem tekstu: Agencija) izdaje ovlaštenja pravnim licima koja mogu podvrgavati hranu jonizirajućem zračenju i dodjeljuje im službene referentne brojeve na osnovu posebne odluke.
- (2) Ovlaštenje iz stava (1) ovog člana Agencija izdaje ako pravno lice ima licencu Državne regulatorne agencije za radijacijsku i nuklearnu sigurnost Bosne i Hercegovine (u daljnjem tekstu: u DARNS) za obavljanje djelatnosti sa izvorom jonizirajućeg zračenja izdatu u skladu sa Zakonom o radijacijskoj i nuklearnoj sigurnosti ("Službeni glasnik BiH", broj 88/07).
- (3) Agencija ovlaštenje izdaje samo ako objekt:
 - a) zadovoljava zahtjeve zajedničkog Kodeksa ponašanja za rad subjekata u poslovanju s hranom koji se bave joniziranjem hrane, koji je izdala zajednička FAO/WHO Komisija Kodeks Alimentarius, referirajući se na

FAO/WHO/ CAC, Vol. No. XV, Izdanje 1 (eng. *joint FAO/WHO Codex Alimentarius Commission Recommended International Code of Practice for the operation of irradiation facilities used for the treatment of foods - reference FAO/WHO/CAC, Vol. XV, edition 1*), i bilo kakvih dodatnih zahtjeva koje naknadno može usvojiti Komisija Kodeks Alimentarius;

- b) odredi lice odgovorno za poštivanje svih uslova za primjenu postupka.
- (4) Ako pravno lice ovlašteno za podvrgavanje hrane jonizirajućem zračenju više ne ispunjava uslove iz st. (1) i (2) ovog člana Agencija oduzima izdato ovlaštenje.
- (5) Spisak pravnih lica za koja je na osnovu službenog nadzora utvrđeno da ispunjavaju uslove propisane ovim pravilnikom objavljuje se u "Službenom glasniku BiH".

Član 9.

(Službena kontrola hrane)

- (1) Službena kontrola nad pravnim licima ovlaštenim za podvrgavanje hrane jonizirajućem zračenju provodi se u skladu s važećim propisima o službenoj kontroli hrane.
- (2) Službena kontrola radijacijske sigurnosti objekta za sterilizaciju hrane i predmeta opće upotrebe je predmet inspekcijskog nadzora inspektorata DARNS.

Član 10.

(Dostavljanje podataka)

- (1) Agencija dostavlja DARNS, Federalnoj upravi za inspekcijske poslove, Republičkoj upravi za inspekcijske poslove Republike Srpske, Uredu gradonačelnika - Inspektorat Brčko Distrikta Bosne i Hercegovine i Uredu za Veterinarstvo Bosne i Hercegovine sljedeće podatke:
 - a) nazive, adrese i službene referentne brojeve iz člana 8. stav (1) ovog pravilnika pravnih lica ovlaštenih za podvrgavanje hrane jonizirajućem zračenju,
 - b) izdana ovlaštenja za podvrgavanje hrane jonizirajućem zračenju, kao i svaku odluku o privremenom povlačenju ili oduzimanju ovlaštenja.
- (2) DARNS, Federalna uprava za inspekcijske poslove, Republička uprava za inspekcijske poslove Republike Srpske, Uredu gradonačelnika - Inspektorat Brčko Distrikta Bosne i Hercegovine i Ured za Veterinarstvo Bosne i Hercegovine svake godine dostavljaju Agenciji sljedeće podatke:
 - a) rezultate službenog nadzora provedenog nad pravnim licima ovlaštenim za podvrgavanje hrane jonizirajućem zračenju, posebno podatke o vrstama i količinama proizvoda podvrgnutih jonizirajućem zračenju, kao i primijenjenim dozama zračenja;
 - b) rezultate službene kontrole nad hranom podvrgnutom jonizirajućem zračenju u maloprodaji i pri uvozu u Bosnu i Hercegovinu.

Član 11.

(Metode dokazivanja)

Metode koje se primjenjuju za dokazivanje da li je hrana podvrgnuta jonizirajućem zračenju moraju biti standardizirane i validirane.

Član 12.

(Evidencija)

- (1) Pravna lica ovlaštena za podvrgavanje hrane jonizirajućem zračenju moraju za svaki izvor jonizirajućeg zračenja koji se koristi voditi evidenciju korištenja u skladu s odredbama posebnog propisa te evidenciju za svaku šaržu proizvoda podvrgnutih jonizirajućem zračenju, i to o:
 - a) vrsti i količini hrane obrađene jonizirajućim zračenjem;
 - b) oznaci šarže;
 - c) odgovorno lice za proces ozračavanja hrane.;
 - d) primaocu hrane podvrgnute jonizirajućem zračenju;
 - e) datumu podvrgavanja jonizirajućem zračenju;
 - f) ambalaži u kojoj je bila hrana za vrijeme podvrgavanja jonizirajućem zračenju;

- g) podacima za kontrolu postupka podvrgavanja hrane jonizirajućem zračenju kako je predviđeno u Aneksu III. ovog pravilnika, rezultatima provedenih dozimetrijskih provjera, posebno o najmanjoj i najvećoj apsorbiranoj dozi zračenja, kao i o vrsti primijenjenog jonizirajućeg zračenja;
- h) početnoj validaciji doze zračenja.
- (2) Dokumentacija iz stava (1) ovog člana mora se čuvati pet godina od dana podvrgavanja hrane jonizirajućem zračenju.

Član 13.

(Uvoz)

- (1) Hrana podvrgnuta jonizirajućem zračenju smije se uvesti u Bosnu i Hercegovinu pod uslovom da:
- su zadovoljene odredbe ovog pravilnika;
 - prateća dokumentacija sadrži naziv i adresu pravnog lica koje je provelo podvrgavanje hrane jonizirajućem zračenju kao i podatke iz člana 14. ovog pravilnika;
 - je podvrgnuta jonizirajućem zračenju u pravnom licu koje ima ovlaštenje za podvrgavanje hrane jonizirajućem zračenju.
- (2) Ako se hrana iz stava (1) ovog člana uvozi u Bosnu i Hercegovinu iz zemalja koje su članice Evropske unije, ona se ne može uvesti ako podvrgavanje takve hrane jonizirajućem zračenju nije provedeno u subjektima u poslovanju s hranom navedenim u Aneksu V. ovog pravilnika.
- (3) Ako se hrana iz stava (1) ovog člana uvozi u Bosnu i Hercegovinu iz zemalja koje nisu članice Evropske unije, ona se ne može uvesti ako podvrgavanje takve hrane jonizirajućem zračenju nije provedeno u subjektima u poslovanju s hranom navedenim u Aneksu VI. koji je sastavni dio ovog pravilnika.
- (4) Naziv subjekta u poslovanju s hranom iz stava (2) ovog člana mora biti naveden u uvoznjoj dokumentaciji.

Član 14.

(Materijali za pakovanje)

Materijali koji se koriste za pakovanje hrane koja je podvrgnuta jonizirajućem zračenju moraju biti zdravstveno ispravni i odgovarajući za tu svrhu i moraju zadovoljavati odredbe Pravilnika o materijalima i predmetima namijenjenim za kontakt s hranom ("Službeni glasnik BiH", broj 42/10).

Član 15.

(Ograničenje stavljanja hrane na tržište)

Agencija može, na osnovu dobivanja novih ili preispitivanja postojećih informacija, u saradnji s nadležnim organima, donijeti mjere ograničenja stavljanja hrane na tržište i zahtjev za povlačenje hrane s tržišta, ako postoje razlozi za sumnju da je hrana podvrgnuta jonizirajućem zračenju opasna po zdravlje ljudi.

Član 16.

(Prestanak važenja propisa)

Danom stupanja na snagu ovog pravilnika prestaje važiti Pravilnik o uslovima pod kojima se mogu stavljeti u promet životne namirnice i predmeti opće upotrebe konzervirani zračenjem ("Službeni list SFRJ", broj 68/84).

Član 17.

(Stupanje na snagu i primjena)

Ovaj pravilnik stupa na snagu osmog dana od dana objavljivanja u "Službenom glasniku BiH".

VM broj 70/11
24. februara 2011. godine
Sarajevo

Predsjedavajući
Vijeća ministara BiH
Dr. Nikola Špirić, s. r.

ANEKS I.

USLOVI POD KOJIMA SE HRANA MOŽE PODVRGAVATI JONIZIRAJUĆEM ZRAČENJU

- (1) Hrana se smije podvrgavati jonizirajućem zračenjem ako:
- za to postoji stvarna tehnološka potreba,

- se podvrgavanjem hrane jonizirajućem zračenju ne ugrožava zdravlje i ako se ono provodi u skladu s odredbama ovog pravilnika,
 - koristi potrošaču,
 - se ne primjenjuje kao zamjena za uobičajenu dobru higijensku, proizvođačku ili poljoprivrednu praksu.
- (2) Hrana se smije podvrgavati jonizirajućem zračenju u sljedeće svrhe:
- zbog uništavanja patogenih organizama u svrhu smanjivanja pojavljivanja bolesti koje se prenose hranom,
 - zbog uništavanja organizama koji kvare hranu, a zbog smanjivanja kvarenja hrane usporavanjem ili zaustavljanjem procesa kvarenja,
 - zbog smanjivanja gubitka hrane zbog prijevremenog zrenja, klijanja i prokljivanja,
 - zbog uklanjanja iz hrane organizama opasnih za biljke ili biljne proizvode.

ANEKS II.

IZVORI JONIZIRAJUĆEG ZRAČENJA

Hrana se smije podvrgavati samo sljedećim izvorima jonizirajućeg zračenja:

- gama zračenjem radionuklida ^{60}Co i ^{137}Cs ,
- X zračenjem proizvedenim iz uređaja koji proizvode jonizirajuće zračenje koji rade na ili ispod nominalnog nivoa energije od 5 MeV (maksimum kvanta energije),
- elektronima proizvedenim iz uređaja koji proizvode jonizirajuće zračenje koji rade na ili ispod nominalnog energetskog nivoa i od 10 MeV.

ANEKS III.

DOZIMETRIJA

(1) UKUPNA PROSJEČNA APSORBITRANA DOZA

- Pri određivanju zdravstvene ispravnosti pojedinih vrsta hrane obrađenih ukupnom prosječnom dozom od 10 kGy ili manjom može se pretpostaviti da su svi radijacijskohemijski učinci u tom području doza razmjerni s dozom.

Ukupna prosječna doza, D, definirana je sljedećim integralom preko ukupnog volumena robe

$$D = 1/M \int p(x,y,z) d(x,y,z) dV$$

gdje je:

M = ukupna masa obrađivanog uzorka

p = lokalna gustina u tački (x,y,z)

d = lokalno apsorbirana doza u tački (x,y,z)

dV = dx dy dz, beskonačno mali element volumena koji u stvarnosti predstavlja dijelove volumena.

- Ukupna prosječna apsorbirana doza može se odrediti direktno za homogenu proizvod ili za robu u rasutom stanju (rinfuza) koja ima očito homogenu gustoću tako da se odgovarajući broj dozimetara raspodijeli strateški i nasumično po volumenu robe. Iz raspodjele doze određene na ovaj način može se izračunati prosječna vrijednost što predstavlja ukupnu prosječnu apsorbiranu dozu.
- Ako je oblik krivulje koja prikazuje raspodjelu doze u proizvodu dobro određen, poznata su mjesta najmanje i najveće doze. Mjerenja raspodjele doze u ova dva položaja na nizu uzoraka proizvoda mogu se upotrijebiti da bi se dobila procjena ukupne prosječne apsorbirane doze.
- U nekim slučajevima srednja vrijednost prosječnih vrijednosti najmanje doze (D_{\min}) i najveće doze (D_{\max}) bit će dobra procjena ukupne doze, tj. u tim slučajevima bit će:

$$\text{ukupna prosječna doza} \approx (D_{\max} + D_{\min})/2$$
 Omjer D_{\max}/D_{\min} ne bi trebalo da bude veći od 3.

(2) POSTUPCI

- a) Prije početka rutinskog ozračivanja neke vrste hrane u postrojenju za ozračivanje određuju se položaji najmanje i najveće doze mjerenjem doze po volumenu proizvoda. Ova validacijska mjerenja moraju se izvesti prikladan broj puta (npr. 3 - 5) da bi se uzele u obzir varijacije u gustoći proizvoda ili u geometriji.
- b) Mjerenja se moraju ponoviti kad god se promijeni proizvod, njegova geometrija ili uslovi ozračivanja.
- c) Za vrijeme procesa provode se rutinska mjerenja doze da bi se osiguralo da se ne prelaze granice doze. Mjerenja se moraju provoditi stavljanjem dozimetara na mjesta najveće ili najmanje doze ili na referentno mjesto. Doza na referentnom mjestu mora biti kvantitativno povezana s najvećom i najmanjom dozom. Referentno mjesto mora se nalaziti na prikladnoj tački u ili na proizvodu gdje su varijacije doze male.
- d) Rutinska mjerenja doze moraju se izvoditi na svakoj šarži i u pravilnim razmacima za vrijeme obrade.
- e) U slučajevima kad se ozračava tekuća, nepakirana roba, mjesta najmanjih i najvećih doza ne mogu se odrediti. U takvom slučaju preferira se nasumično dozimetrijsko uzorkovanje da bi se ocijenile vrijednosti ova dva ekstrema.
- f) Mjerenja doze moraju se provoditi upotrebljavajući priznate dozimetrijske sisteme, a mjerenja moraju biti sljediva do primarnih standarda.
- g) Za vrijeme ozračivanja neki parametri uređaja moraju se kontrolirati i kontinuirano bilježiti. Za uređaje s radionuklidima ti parametri uključuju brzinu transporta proizvoda ili vrijeme provedeno u zoni zračenja te pozitivan pokazatelj ispravnog položaja izvora. Za akceleratorске uređaje ti parametri uključuju brzinu transporta te nivo energije, struju elektrona u snopu i širinu polja skeniranja.

ANEKS IV.**SPISAK HRANE KOJU JE DOPUŠTENO UVOZITI I
PODVRGAVATI JONIZIRAJUĆEM ZRAČENJU I NAJVEĆE
DOZE ZRAČENJA**

Vrsta hrane	Najveća prosječna apsorbirana doza zračenja (kGy)
Sušeno aromatično bilje, začini i začinsko bilje	10

ANEKS V.

SPISAK SUBJEKATA U POSLOVANJU S HRANOM IZ
EVROPSKE UNIJE IZ KOJIH JE DOPUŠTEN UVOZ
HRANE PODVRGNUME JONIZIRAJUĆEM ZRAČENJU IZ
ANEKSA IV. OVOG PRAVILNIKA

Redni broj	Ime kompanije i adresa	Dodatne informacije
1	IBA Mediris SA Zoning industriel B-6220 Fleurus Belgija <i>(60)</i> Co-gama zračenje	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog pravilnika.
2	Gamma-Service Produktbestrahlung GmbH Juri-Gagarin-Straße 15 D-01454 Radeberg Njemačka <i>(60)</i> Co-gama zračenje	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog pravilnika.
3	Isotron Deutschland GmbH Kesselbodenstraße 7 D-85391 Allershausen Njemačka <i>(60)</i> Co-gama zračenje	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog pravilnika.
4	Beta-Gamma-Service GmbH & Co. KG John-Deere-Straße 3 D-76646 Bruchsal Njemačka Ubrzano elektronsko zračenje	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog pravilnika.
5	LR Plast Formervangen 14-16 DK-2600 Glostrup Danska Ubrzano elektronsko zračenje	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog pravilnika.
6	Ionmed Esterillización, SA Santiago Rusiñol, 12 E-28040 Antigua Ctra Madrid-Valencia Km 83,7 E-16400 Tarancón (Cuenca) Španija Ubrzano elektronsko zračenje	Dopušten uvoz sušenog aromatičnog bilja, začina i začinskog bilje u skladu s Aneksom IV. ovog pravilnika.
7	Gammaster Provence SA Rue Jean Queillau Marché des Amavaux F-13014 Marseille Cedex 14	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog pravilnika.

	Francuska <i>(60)</i> Co-gama zračenje	pravilnika.
8	Ionisos SA Zone industrielle les Chartinières F-01120 Dagneux Francuska <i>(60)</i> Co-gama zračenje	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog pravilnika.
9	Ionisos SA Zone industrielle de l'Aubrée F-72300 Sablé-sur-Sarthe Francuska <i>(60)</i> Co-gama zračenje	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog pravilnika.
10	Ionisos SA Zone industrielle F-10500 Chaumesnil Francuska Ubrzano elektronsko zračenje	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog pravilnika.
11	Ionisos SA Domaine de Corbeville F-91400 Orsay Francuska Ubrzano elektronsko zračenje	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog pravilnika.
12	Radiant Ouest Le Flachec F-56230 Bernic Francuska Ubrzano elektronsko zračenje	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog pravilnika.
13	Gammaster BV Morsestraat 3 Ede Holandija <i>(60)</i> Co-gama zračenje	Dopušten uvoz sušenog aromatičnog bilja, začina i začinskog bilje u skladu s Aneksom IV. ovog pravilnika.
14	Gammaster BV Soevereinsstraat 2 Etten-Leur	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog

	Holandija <i>(60)</i> Co-gama zračenje	pravilnika
15	Isotron plc Moray Road Elgin Industrial Estate Swindon Wilts SN2 6DU Velika Britanija <i>(60)</i> Co-gama zračenje	Dopušten uvoz sušenog aromatičnog bilja, začina i začinskog bilja u skladu s Aneksom IV. ovog pravilnika.

ANEKS VI.

LISTA SUBJEKATA U POSLOVANJU S HRANOM IZ ZEMALJA KOJE NISU ČLANICE EVROPSKE UNIJE IZ KOJIH JE DOPUŠTEN UVOZ HRANE PODVRGNUTE JONIZIRAJUĆEM ZRAČENJU IZ ANEKSA IV. OVOG PRAVILNIKA

DIO PRVI- JUŽNOAFRIČKA REPUBLIKA, TURSKA I ŠVICARSKA**1. HEPRO Cape (Pty) Ltd**

6 Ferrule Avenue
Montague Gardens
Milnerton 7441
Western Cape
Južnoafrička Republika

2. Gammaster South Africa (Pty) Ltd

PO Box 3219
5 Waterpas Street
Isando Extension 3
Kempton Park 1620
Johannesburg
Južnoafrička Republika

3. Gamwave (Pty) Ltd

PO Box 26406
Isipingo Beach
Durban 4115
Kwazulu-Natal
Južnoafrička Republika

4. GAMMA-PAK AS

Yünsa Yolu N: 4 OSB
Cerkezköy/TEKIRDAG
TR-59500
Turska

5. STUDER AGG WERK HARD

Hogenweidstrasse 2
Däniken
CH-4658
Švicarska

DIO DRUGI- TAJLAND**1. THAI IRRADIATION CENTER**

Thailand Institute of Nuclear Tehnology (Public Organisation)
37 Moo 3, TECHNOPOLIS
Klong 5, Klong Luang
Pathumthani 12120
Tajland

2. ISOTRON (THAILAND) LTD

Bangpakong Industrial Park (Amata Nakorn)
700/465 Moo 7, Tambon Donhuaroh,
Amphur Muang,
Chonburi 20000
Tajland
Tel. (66) (0) 38458431 to 4
Fax (66) (0) 38458435

DIO TREĆI- INDIJA**1. Board of Radiation and Isotope Technology**

Department of Atomic Energy
BRIT/BARC Vashi Complex
Sector 20, Vashi

Navi Mumbai - 400 705 (Maharashtra)
Indija

2. Board of Radiation and Isotope Technology ISOMED

Bhabha Atomic Research Centre
South Site Gate, Refinery Road
Next to TATA Power Station, Trombay
Mumbai - 400 085 (Maharashtra)
Indija

3. Microtrol Sterilisation Services Pvt. Ltd

Plot No 14 Bommasandra- Jigani Link Road Industrial Area
KIADB, Off Hosur Road
Hennagarra Post
Bengalooru - 562 106 (Karnataka)
Indija